

Сургъулән тӱгсгсн—сӱӱнӱр амрцхах

Элст балгъсна негдгч семилеткин гурвн классар сургъулин джил тӱгсв, сургъулин джил диглгч хург болв.

Чилсн сургъулин джил ма на школд гурвн негдгч, нег хойрдгч, гурвн гурвдгч классмуд сурв. Эн классмудт 108 сургъульчнр сӱӱнӱр сургъулән чилӱцхӱв, сургъульчнрин ик зунь эркн сӱн темдгӱд авч сургъулән дасцхав, хашнъгар даснь 11 кӱн болв,—гидж школин завуч ӱр Подлужная, Н. В. келв.

—Намртан, сургъуль сурх цаг кӱртл чикӱр, сӱӱнӱр амрцхатн. Шин чидл ургъадж авч, эн джилӱс ӱлӱ сӱӱнӱр ирх джилд сургъулән дасхд белдхӱтн,—гидж школин директор ӱр Немичев келв. Тасрхан сӱӱнӱр сургъулән дасн сургъульчнр дегтрмӱдӱр мӱрӱлгдв. Гурвн негдгч классас 10 сургъульчнр мӱрӱлгдв. Теднӱ зӱрмснь: Шипулина В., Вишнева В., Лиджи-Гаряева С., Гайворонская Т. Хойрдгч классас—

Теленгутова В., Бадмаева С., Корноухова Т., Кегультинова, Пиданова Н. боли Ткачева З. — зургъан: сургъульчнр мӱрӱлгдв. Гурвдгч классмудас 8 сургъульчнр—Велигулина Т., Зинникова М., Альховская Г., Чабанюк Л., Харьковская А., Осинова З., Сеницкая А. боли Воровкина Р.

Тӱӱнӱ дару, байрта сургъульчнр бийсиннь би-дууна эрдман ӱзӱлв. Хойрдгч „А“ классин сургъульчнр „Весна“ боли „Самолет“ гидг дус дуулцхав. Руденко Люба „Яблочко“ гидг би биилв, Богданова Г. „Мы за мир“ гидг ду дуулв. Эн-тендӱс, шугъу-булнъгудас би дуулнав, би биилнӱв гидж шууглдад, хошадар-гурвадар гарч ирӱд, медсн би-дургъан биилдж, дуулцхав. Кесгнь шӱлгӱд умщцхав, зӱрмнь матросск би биилцхӱв, хойрдгч классин нег баг сургъульчнр „Сӱн гисн юмб, му гисн юмб“ гидг ду дуулцхав.

ЛИДЖИЕВА ӱНДР.
Сургъульчин эк.